

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

**Komisija za sigurnost**  
Broj: 02/5-02-1997/25  
Sarajevo, 30.10. 2025. godine

Bosna i Hercegovina  
Federacije Bosne i Hercegovine  
**PARLAMENT FEDERACIJE**  
**SARAJEVO**

Primijeno: 24-11-2025			
Org. jed.	Broj	Priloga	Vrijednost

Na osnovu člana 59. Poslovnika o radu Doma naroda Parlamenta Federacije Bosne i Hercegovine, Komisija za sigurnost Doma naroda Parlamenta Federacije Bosne i Hercegovine, na 3. sjednici, održanoj 30. oktobra 2025. godine, razmatrala je:

1. Usvajanje Zapisnika sa 2. sjednice Komisije za sigurnost Doma naroda Parlamenta Federacije Bosne i Hercegovine,
2. Informacija o stanju kriminaliteta-sigurnosti na području FBiH za period JANUAR-DECEMBAR 2024.godine,
3. Informacija o stanju kriminaliteta-sigurnosti na području FBiH za period JANUAR-JUNI 2025.godine,
4. Informacija i konsultacije o Zakonu o izmjenama i dopunama Zakona o policijskim službenicima,
5. Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije,
6. Tekuća pitanja.

Na osnovu člana 51. Poslovnika o radu Doma naroda Parlamenta Federacije BiH, Komisija podnosi Domu naroda sljedeći:

## IZVJEŠTAJ

### **Ad-1 Usvajanje Zapisnika sa 2. sjednice Komisije za sigurnost Doma naroda Parlamenta Federacije Bosne i Hercegovine**

Zapisnik sa 3. sjednice Komisije je jednoglasno usvojen.

### **Ad-2 Informacija o stanju kriminaliteta-sigurnosti na području FBiH za period JANUAR-DECEMBAR 2024.godine**

Nakon usmenog izlaganja samostalne inspektorice u kabinetu direktora Federalne uprave policije Verice Golijanin i sveobuhvatne rasprave, prisutni članovi Komisije su prihvatili izvještaj o radu FMUP-a za period JANUAR-DECEMBAR 2024. godine sa šest (6) glasova za.

### **Ad-3 Informacija o stanju kriminaliteta-sigurnosti na području FBiH za period JANUAR-JUNI 2025.godine**

Nakon usmenog izlaganja samostalne inspektorice u kabinetu direktora Federalne uprave policije Verice Golijanin i sveobuhvatne rasprave, prisutni članovi Komisije su prihvatili izvještaj o radu FMUP-a za period JANUAR-JUNI 2025.godine sa šest (6) glasova za.

#### **Ad-4 Informacija i konsultacije o Zakonu o izmjenama i dopunama Zakona o policijskim službenicima**

Nakon usmenog izlaganja predstavnika Sindikata službenika Federalnog ministarstva unutrašnjih poslova i predstavnika Unije samostalnih sindikata policije Federacije Bosne i Hercegovine, Komisija je upoznata sa iznesenim prijedlozima i informacijama koji se odnose na izmjene i dopune Zakona o policijskim službenicima Federacije BiH te donijela sljedeći

#### **ZAKLJUČAK**

Kada zakon bude uvršten u dnevni red sjednice Doma naroda, Komisija će prilikom razmatranja uzeti u obzir iznesene prijedloge sindikata, s ciljem unapređenja statusa policijskih službenika. Također, Komisija će po potrebi ponovo održati sastanak sa predstavnicima Sindikata službenika Federalnog ministarstva unutrašnjih poslova kao i sa predstavnicima Unije samostalnih sindikata policije Federacije BiH radi dodatnog usaglašavanja prijedloga i razmjene mišljenja o predloženim rješenjima.

#### **Ad-5 Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije**

Komisija se upoznala sa predmetnom tačkom dnevnog reda, te na osnovu odredbi člana 63. Zakona o unutrašnjim poslovima Federacije Bosne i Hercegovine („Službene novine Federacije BiH“, broj:81/14) donijela sljedeći

#### **ZAKLJUČAK**

Komisija za sigurnost Doma naroda Parlamenta Federacije Bosne i Hercegovine sa šest (6) glasova za, daje saglasnost na Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije.

#### **Ad-6 Tekuća pitanja**

Po ovoj tački dnevnog reda nije bilo rasprave.

